

Na osnovu člana 121. Zakona o visokom obrazovanju ("Službene novine Kantona Sarajevo" broj 36/22), člana 233. Statuta Univerziteta u Sarajevu, u skladu sa Odlukom o usvajanju dinamičkog plana potreba za raspisivanjem konkursa za izbor u zvanje za studijsku 2023/2024. godinu (pozicija 1), Odluke Vijeća Univerziteta u Sarajevu - Fakulteta političkih nauka broj: 02-1-1772-1/23 od 13.11.2023. godine i saglasnosti Senata Univerziteta u Sarajevu broj 01-18-27/23 od 29.11.2023. godine raspisuje se

## **K O N K U R S** **za izbor akademskog osoblja - nastavnika**

**I - Za izbor akademskog osoblja - nastavnika u zvanje redovan profesor i to:**

**1. Na naučnu oblast „Sigurnosne i mirovne studije“ .....1 izvršilac (radni odnos na neodređeno vrijeme sa punim radnim vremenom)**

### **II - Uslovi konkursa:**

Pored opštih uslova propisanih Zakonom o radu, potrebno je da kandidat ispunjava uvjete utvrđene članom 96. Zakona o visokom obrazovanju ("Službene novine Kantona Sarajevo" broj 33/17,35/20,40/20,39/21) i članom 226. Statuta Univerziteta u Sarajevu:

redovni profesor: proveden najmanje jedan izborni period u zvanju vanrednog profesora, najmanje dvije objavljene knjige, najmanje osam naučnih radova iz oblasti za koju se bira objavljenih u priznatim publikacijama koje se nalaze u relevantnim naučnim bazama podataka i originalni stručni uspjeh kao što je projekt, patent ili originalni metod, sve nakon izbora u zvanje vanrednog profesora, te uspješno završeno mentorstvo najmanje po jednom kandidatu za stepen drugog i trećeg ciklusa studija.

U slučaju da kandidat pri izboru u akademsko zvanje iz objektivnih razloga nije mogao ispuniti uslov objavljena knjiga i/ili mentorstva za drugi ciklus studija odnosno integrisani studij, uvodi se ekvivalencija odnosno supstitucija objavljene knjige i/ili mentorstva sa tri dodatna naučna rada objavljena u citatnim bazama podataka, u odnosu na minimalne uslove utvrđene zakonom. Za ekvivalenciju odnosno supstituciju za objavljene knjige i/ili mentorstvo računa se i uspješno vođenje međunarodnog/domaćeg projekta od značaja za Univerzitet/Fakultet.

Član akademskog osoblja u zvanju docenta i vanrednog profesora može biti izabran u više zvanje i prije isteka perioda na koji je biran ukoliko ispuni uslove za izbor u više akademsko zvanje i ukoliko je proveo u nastavi najmanje tri godine nakon posljednjeg izbora te ukoliko je od propisanih radova za izbor u više zvanje za vanrednog profesora dodatno objavio najmanje tri naučna rada u citatnim bazama podataka, odnosno ukoliko je od propisanih radova za izbor u više zvanje za redovnog profesora dodatno objavio najmanje pet naučnih radova u citatnim bazama podataka.

**Napomena:** U skladu sa članom 176. Zakona o visokom obrazovanju ("Službene novine Kantona Sarajevo" broj: 36/22): *"svi članovi akademskog osoblja koji su izabrani u akademsko zvanje prema odredbama zakona koji prestaje da važi stupanjem na snagu ovog zakona zadržavaju pravo da budu izabrani u isto ili više akademsko zvanje prema uslovima propisanim ranijim zakonom"*, odnosno kandidati koji nemaju izbor u naučno-nastavno zvanje prema ranije važećem zakonu ("Službene novine Kantona Sarajevo" broj 33/17,35/20,40/20,39/21) treba da ispunjavaju uslove u skladu sa članom 112. Zakona o visokom obrazovanju ("Službene novine Kantona Sarajevo" broj 36/22) i članom 226. Statuta Univerziteta u Sarajevu:

redovni profesor: proveden najmanje jedan izborni period u zvanju vanrednog profesora, minimalno osam naučnih radova u priznatim publikacijama objavljenih nakon izbora u zvanje vanrednog profesora, od čega su četiri naučna rada objavljena u publikacijama indeksiranim u relevantnim naučnim bazama, dvije objavljene knjige, dva originalna stručno-naučna djela, kao što je projekt, patent ili originalni metod, te uspješno mentorstvo najmanje tri kandidata za stepen drugog ciklusa/integriranog studija odnosno ekvivalenta i jednog kandidata trećeg ciklusa studija odnosno ekvivalenta.

Uz vlastoručno potpisanu prijavu na konkurs za izbor akademskog osoblja u zvanje zainteresovani kandidati prilažu:

- biografiju (CV) i spisak objavljenih naučnih radova, projekata, patenata ili originalnih metoda iz oblasti za koju se vrši izbor (u elektronskoj i štampanoj varijanti);
- listu objavljenih knjiga, udžbenika i naučnih radova, kao i same knjige i radove sa vidljivim dokazom o objavljivanju istih,
- ovjerenu kopiju diplome i drugu dokumentaciju o stečenom naučnom stepenu doktora nauka iz oblasti iz koje se vrši izbor;
- kandidati koji su u inostranstvu stekli diplomu, prilažu nostrificiranu diplomu ili rješenje;

- potvrdu o provedenom najmanje jednom izbornom periodu u prethodnom zvanju, odnosno potvrdu da su proveli u nastavi najmanje tri godine nakon posljednjeg izbora, ukoliko su ispunili uvjete za izbor u više zvanje prije isteka roka na koji su birani;
- dokaz o originalnom stručnom uspjehu kao što je projekt, patent ili originalni metod;
- dokaz o uspješno obavljenom mentorstvu,
- dokaz o supstituciji objavljene knjige i/ili mentorstva, u skladu sa članom 115. stav (2) Zakona o visokom obrazovanju („Sl.novine Kantona Sarajevo“ broj: 33/17, 35/20, 40/20, 39/21) i članom 230. Statuta Univerziteta u Sarajevu, u slučaju da kandidat iz objektivnih razloga nije mogao ispuniti navedene uvjete;
- dokaz o dodatno objavljenim radovima, u skladu sa članom 115. stav (4) Zakona o visokom obrazovanju („Sl.novine Kantona Sarajevo“ broj: 33/17, 35/20, 40/20, 39/21) u slučaju prijevremenog napredovanja;
- podatke o nagradama i priznanjima u vezi sa odgovarajućom naučnom oblasti, doprinosu procesu internacionalizacije i društvenom doprinosu;

Kandidati su obavezni u prijavi naznačiti akademsko zvanje za koju se prijavljuju, te naznačiti da li se na Konkurs prijavljuju u skladu sa odredbama člana 176. stav (1) Zakona o visokom obrazovanju („Službene novine Kantona Sarajevo“ broj: 36/22), odnosno u skladu sa uslovima za izbor u zvanje redovni profesor utvrđenim u članu 96. stav (1) tačka f) Zakona o visokom obrazovanju („Sl.novine Kantona Sarajevo“ broj: 33/17, 35/20, 40/20 i 39/21).

### **III – Način prijave:**

Prijave sa potrebnom dokumentacijom se podnose lično ili putem pošte na adresu:

Fakultet političkih nauka, Sarajevo, Skenderija 72 (sa naznakom **"za Konkurs za izbor akademskog osoblja – nastavnika"**)

Uslovi za izbor kandidata u naučnonastavna zvanja utvrđeni su članovima 94,96,100,101,102. i 103. Zakona o visokom obrazovanju ("Službene novine Kantona Sarajevo" broj 33/17, 35/20, 40/20, 39/21 ) i članom 224,225,226,227. Statuta Univerziteta u Sarajevu.

Konkurs ostaje otvoren 15 (petnaest) dana od dana objavljivanja. Nepotpune i neblagovremene prijave neće se razmatrati. Priložena dokumentacija po Konkursu neće se vraćati kandidatima.

Kontakt osoba: Umihana Mahmić , tel.: 033 203 562 lok 113, email: [umihana.salcin@fpn.unsa.ba](mailto:umihana.salcin@fpn.unsa.ba)